



# DYMM Tuanku Raja Perlis Bercemar Duli Melawat Kampus UniMAP Pauh Putra

DYMM Raja Perlis, Tuanku Syed Sirajuddin Putra Jamalullail telah berkenan berangkat meninjau perkembangan Kampus UniMAP Pauh Putra pada 23 Julai 2013 lalu. Keberangkatan Baginda yang diiringi oleh DYTMM Raja Muda Perlis, Tuanku Syed Faizuddin Putra selaku Canselor UniMAP, telah disambut oleh Naib Canselor, Prof. Datuk Dr. Kamarudin Hussin dan pegawai kanan UniMAP di Perpustakaan Tuanku Syed Faizuddin Putra.

Dalam lawatan itu, Baginda mendengar taklimat mengenai perkembangan dan kejayaan terkini UniMAP disusuli taklimat oleh mengenai perpustakaan berkonsepkan 'hybrid' tersebut. Baginda kemudiannya dibawa melawat ke keseluruhan bangunan perpustakaan sambil diberikan penerangan ringkas oleh setiap unit sebelum menyempurnakan pelancaran Koleksi Seminar Institusi Raja (SIRaj). Baginda turut bercemar duli melawat konti radio UniMAPfm yang ditempatkan di bangunan perpustakaan itu. Mengakhiri lawatan, baginda turut melawat galeri UniMAP sebelum meninjau kemudahan litar Go-Kart yang terdapat di kampus itu.

